

Sporazum o upravljanju Centralnom zonom grada Mostara

Kancelariji Visokog predstavnika (sektor Jug) zadovoljstvo je najaviti da je Sporazum o upravljanju Centralnom zonom grada Mostara stupio na snagu 6. marta 2000 godine.

Ovim sporazumom, kojeg su 03. marta 2000. godine postigli i potpisali guverner i zamjenik guvernera, premijer i zamjenik premijera Hercegovacko-neretvanskog kantona, gradonacelnik i dogradonacelnik grada Mostara te sef Kancelarije Visokog predstavnika (sektor Jug), g. Finn Lynghjem, uklonjene su sve prepreke za funkcionisanje pravosudnih ustanova u Centralnoj zoni. Osim toga, Sporazum regulise prikupljanje neporeznih prihoda sa teritorije Centralne zone, privremeno finansiranje Gradskog nacelnistva te uspostavljanje jedinstvenog racuna Gradskog nacelnistva.

Nakon potvrđivanja statusa Centralne zone kao područja kojim upravlja Gradsko nacelnstvo te time i nepostojanja mogućnosti pretvaranja u sedmu općinu, potpisnici su potvrdili Odluke Visokog predstavnika od 31. jula 1998. i 6. jula 1999. o uspostavljanju Suda za Centralnu zonu i Javnog tuziteljstva. Takodje, putem ovog sporazuma, strane su ponovile svoju obavezu prema osiguravanju pravovremenog usvajanja Zakona o raspodjeli javnih prihoda, koji će konacno definisati raspodjelu prihoda ostvarenih na nivou Centralne zone.

Ohrabreni smo cinjenicom da će ovaj sporazum, zajednicki postignut od strane kantonalnih i gradskih vlasti, kao rezultat niza sastanaka i dugih pregovora, uveliko doprinijeti dobrobiti grada Mostara i njegovih građana.